

Parlamentario mr. Juan "Ady" Thijsen:

Abusonan sexual ta un hecho grave cu ta afecta bida di victimanan pa semper y mester ser atendi cu tur seriedad



sexual awor tin necesidad urgente pa un reunion public, segun Parlamentario Thijsen.

E Parlamentario ta mira diferente area di atencion pa cu casonan di abuso sexual:

1. Proceduranan den casonan di abuso sexual;
2. Instancianan involvi den casonan di abuso sexual;
3. E trato medico pa victimanan di abuso sexual;
- 4.

E trato psicologico di victimanan di abuso sexual;

5. E prevencion di abuso sexual;
6. Denuncio di casonan bieu;

7. Tratamento pa victimanan di casonan bieu;
8. Persecucion penal pa violadornan;

9. Castigonan fuerte pa abusadornan;
10. Data-bank di abusadornan sexual.

Segun Parlamentario Thi-

jsen ta di spera cu e asunto di abusonan sexual wordo trata cu tur seriedad necesario y cu pronto tin maneho y su ehecucion na vigor riba e 10 areanan di atencion pa casonan di abuso sexual y tambe proposicionan cu a bin dilanti di gruponan di preocupacion y fundacionan. Pa esaki un reunion publico tocante abusonan sexual mester tuma lugar mas pronto cu ta posibel.

UN di cada cuatro mucha muher y un di cada seis di mucha hombernan ta sufri algun tipo di abuso sexual. E cifranan aki ta di Unicef y ta refleha e situacion alarmante cu paisnan occidental ta pasa aden.

Di acuerdo cu Parlamentario mr. Juan "Ady" Thijsen, na Aruba no tin cifra confiabel y e situacion por ta mesun alarmante mirando structura di nos comunidad, mayornan trahando pa sobriebibi, uzo di alcohol y droga, famianan kibra y mescla. Ta bin acerca un cultura di miedo y un comunidad chikito.

Otro aspectonan ta nos normanan y balornan unda orguyo y berguensa ta hunga un rol. Finalmente un sistema hudicial defectuoso y sigur no efectivo pa tipo di casonan aki.

Tur esaki ta basa cu si

lencio ta e resultado di mayoria di casonan. Pio ainda cu mayoria di caso ta den e nucleo di famia di e victima y e abusador ta hende di confiansa.

Omonan, padushi padras-to y tin biaha e propio mayornan. Hopi biaha tambe e famia mes ta proteha e abusador especialmente si e abusador ta fuente di entrada pa e famia.

Abusonan sexual ta un hecho grave cu ta keda pa semper den bida di victimanan. Na Aruba tin hopi victimanan ta biba den dolor di un abuso sexual cu e victima y e abusador so sa. Actualmente parlamento ta dunando atencion na e problematica di abuso sexual na Aruba.

Despues di reunionan cu gruponan di preocupacion y fundacionan y reunion cu comision di Salud, Social y Husticia y un bjeen-komst riba e tema di abuso